



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Leonem X. Pontificem Maximvm

[Straßburg], 1519

VD16 L 3409

Conclvsio IIII.

urn:nbn:de:hbz:466:1-34717

DVLGENTIARVM AD LEONEM X. P. M.

etæ sedis Apostolicæ honoré, & pro ueritate reuelanda, & erroribus supprimendis gloriantur sese disputare, deniq; si sic hono-
rant ecclesiam, tueruntq; fidem, qui terrifiso & immaniter (pe-
ne dixisse inaniter) iactato titulo, HAERETICAE PRÆ-
VITATIS INQUISITORES uolunt uideri, quid quæ-
so relictum est, uel insanissimis hæreticis, quo & ipsi Papam &
sedem Apostolicam blasphement & criminentur. Hos ego nō
inquisitores, sed insitores hæreticæ prauitatis, libera uoce pro-
nuntiaré. Tales & tam prudenter positæ sunt fere omnes con-
clusiones, quas amplissima illa & innocētissima papyrus passim
circunfert, subiecta uanitati non uolens. Quas si omnes uellem
cōfutare, grandi uolumine opus foret, & totū pene chaos quar-
ti Sententiarum euoluendum cum suis scribentibus. Sed tu le-
teto esto liber & candidus, quo possis ex hac una discere omnes

C O N C L V S I O IIII.

Manet itaq; poena, donec manet odium sui (id est, pœni-
tentia uera intus) scilicet usq; ad introitum regni cœlorum.

Et hanc affero & ostendo.

PRIMO. Certa sequela tanq; corollarium sequitur ex dictis
Quia si omnis uita est pœnitentia & crux Christi, non solum in
uoluntarijs afflictionibus, sed etiam in tentationibus diaboli,
mundi, & carnis, quietiam in persecutionibus, & passionibus
ut ex prædictis, ex scriptura tota, ex ipsiusmet sanctis sanctorum,
& omnium martyrum exemplis patet, certum est quod crux il-
la usq; ad mortem, & sic ad introitum regni durat.

Secundo illud patet etiam in alijs sanctis. Sanctus Augustinus
Psal. viij. pœnitentiales sibi fecit scribi, & eos cum lachrymis ora-
bat & meditabatur dicens, Etiam si Episcopus quicunq; iuste ui-
xerit, nō debere tamen sine pœnitentia de hoc mundo eum di-
scedere. Ita & Beatus Bernardus agonizans clamauit, Perdite ui-
xi, quia tempus perdidisti, Nihil habeo, nisi quod scio, quia cor co-
tritum & humiliatum deus non despicies.

Tertio ratione. Tam diu Crux illa pœnitentia debet durare,
donec secundū Apostolum destruatur corpus peccati, & pereat
uetustas primi Adæ cum sua imagine, & perficiatur nouus A-
dam ad imaginem dei, sed peccatum manet usq; ad mortem, licet

A iii

M. L. RESOLVTONES DE VIRTUTĒ IN

quotidie minuatur per renouationem mentis de die in diem.

Quarto, saltem pœna mortis manet in oibus, timor etiā mortis, certe pœna oīm penarū, & ipsa grauior morte, in plurimis, ut taceā de timore iudicij & inferni, de tremore cōscientiæ &c.

C O N C L V S I O V.

Papa non uult, nec potest remittere ullas pœnas, præter eas, quas uel suo, uel Canonum arbitrio imposuit.

H A N C dispuo, & doceri humiliter peto, & ut in præfatiōe rogaui, ita adhuc rogo, manū porrigit q̄ pōt, & mea motiua attendat. Primo colligamus gñā pœnarū, quas fideles pñt pati,

Prima est æterna, gehenna damnatorum: de qua nihil ad propositum. Certum est enim, quod hæc nec in summi, nec infimi Pontificis potestate est, ut omnes in toto ecclesia tenent, quam solus deus per remissionem culpæ remittit.

Secunda est purgatoriū, de q̄ infra uidebimus in sua cōclusiōe, interim accepimus nō esse eā in potestate Pōtificis, aut ullius hōis.

Tertia, ipsa uoluntaria & euangelica, de qua supra dictum est, quod eam operē pœnitentia spiritualis, secundum illud. i. Cor. xi. Si nos ipsoſ iudicaremus, non utiq̄ iudicaremur a dño. Hæc est crux illa & mortificatio passionū, ut supra Concl. ij. Cum aut̄ hæc sit præcepta a Christo, & de essentia pœnitentiæ spūialis ac oīno de necessitate salutis, nullo modo est in potestate ullius sacerdotis, neq; ut augeat, neq; ut minuat. Non enim ex arbitrio pender hōis, sed ex gratia & spiritu, īmo hæc pœna minus est in potestate Papæ, q̄ omnes aliæ pœnæ cuiuscūq; noīs sunt. Siquidem æternā, purgatoriā, afflictuā, saltē oratione potest tollere a pud deū, sicut pōt gratiā iustificantē impetrare peccatori. Hanc aut̄ nō potest tollere, nec oratiōe quidē. Quin potius eam debet impetrare peccatori & imponere. i. impositā nuntiare, non minus q̄ gratiā impetrat, alioquin euacuaret crucem Christi, & reliquias Cananæorū copularet filijs & filiabus suis, & hostes dei (ideft, peccata) nō occideret ad internicionē, nisi uideret aliquos nimio ferore plus se affligere, q̄; expediret, eorū saluti, & aliorum necessitatī. Tunc non solū remittere, sed prohibere debet, si cut sanctus Paulus Timotheo dicit. Noli adhuc aquā bibere &c.

Quarta est Castigatoria, & flagellatio dei, de qua Psal. lxxxix.